

EGAA YEROO KADHATTAN...

WWW.TENDAYSOFPRAAYER.ORG

GUY YAA 6^{ffaa}- MOOTUMMAAN KEE HADHUFU.

“Mootummaan waaqayyoo isin gidduu jira” (Luq 17:21b).

Fayyinni Ta'eera

Luq.19 keessatti yesuus mana zakkiwoos seenuudhaaf affeeramee, akkas jedhe “har’a fayyinni mana kanaaf ta’eera.” Lakk.9.Yommuu yesuus sibiratti argamu samiinis sibira ta’a. Mootummaa waaqayyoo utuu ati hinseenin dura mootummaan waaqayyoo onneekke keessa seena. Yoh 17 keessatti yesuus bartoota isaatiif yommuu kadhate qaamaan biyya lafaa keessaa akka ba’aniif osoo hintaane biyya lafaatti akka isaan amalaan hindabalamneef kadhate. (John 17:15, 16).

jireenya samiitti dhaqnee jiraannu as lafa kanarratti jiraachuudhaann shaakkalla.Yoo waan lafaatti kan xiyyeeffannu ta’e akka biyya lafaa kana taana “bakkuma qabeenyi keessan jiru garaan keessan jira” (Matt. 6:21). Garuu yoo Waaqayyoo mootummaa isaa irratti kan xiyyeeffannu ta’e mootummaan isaa nuufi naannoo keenyarratti ta’a.Fuula durbootaafi dhiirota warra Waaqayyoo wajjin haasa’anii irraa yeroo hundumaa addunyaa kanarrattii samii isa amma hinmulanneetu nageenyi isaafi gammachuun isaa isaanirraa mulataa,akkasumas haala qilleensa samii agarsiisa .” (*Medical Ministry*, p. 252).

Lallabbii wangeelaa ani gara Kuubaatti godhe tokko irratti ijoolleen hedduunfi warri isaanii dhaggeeffachuuf dhufan. Daawwattoonni kun hundi sababa dubartii tokkoon akka dhufanin Paastaricha irrati bare. Isaan akka dhufan gochuuf maal jette jedheen ishee gaafadhe. Isheenis, “Waan ani isaaniin jedheef miti” jettee naaf deebiste, achiis guyyaa itti aanutti akka ishee daawwannuuf nu afeerte. Kanaafis ni deemne.

Mana garmalee xiqqaa, kan mana kuusaa qodaa fakkaatu qabdi turte. Siree walirra ka’ame, minjaala xiqqaa, teessoo xixiqqoo lamaafi iddoo ibiddaa malee meeshaaleen manaa keessa hinjiran. Waaree booda dafttee mana ishee fuulduratti baate teesse. Achiis ijoolleen lakkoofsaaan dhibba lamatti siqan ni dhufan. Achuma ishee cina awaara ykn xurii irra taa’anii waraqaa warri isaaniin mallattaa’e akka itti agarsiisan goote. Sana booda ijoolleen akka tooraan ta’an gochuun hunda isaaniif ruuzii kennite. Isaan taa’anii ni nyaatan.

Osoo ruuzii nyaachaa jirruu ollaan ishee heedduun hojii akka hinqabne, garuu hojii tokko qabaachuu isheetiin akka eebbifamte nuuf ibsite. Mindaan ishee nyaata gosa adda addaa bituudhaaf gahaa hinturre, garuu ruuzii bitachuu ni dandeessi. Achiis akkas jette, “Nuti Yesuusiin fakkachuuf waamamne, mootummaan Waaqayyoo maal akka fakkaatu argisiisuudhaan namoonni akka isa fedhan gochuuf waamane. Mala Yesu fayyadamuu qabna. Isaan nyaachisuufi hiriyyummaa ijaarudhaaf. Ofii kootiif yoon jiraadhe akkamittan akka Yesuus ta’a? Akkasumas buddeena foonii qofa namootaaf yoon kenne, dhuguma akkamittin isaan gargaara? Kanaaf ijoollee kanatti jaalala agarsiisuuf ruuziin fayyadamaa jira.Achiin boodas buddena hafuuraan isaaniif kana.Garuu ijoollotni dafanii dhiphachuu ykn jeeqamuu egaluu.Waan barachaa oolan sana hordofaa akka oolan mirkaneeffachuudhaaf yeroo isaan gara manaatti galan seenaa barachaa turaniifi faaruu shaakalaa oolan akka isaan irra deebi’anii maatii isaanitti himanin godha. Karaa kanaanis maatii isaanii biras ga’uu dandeera.Kanas yeroo gabaabaa keessattan raawwadha,hundumti isaanii na jaallatuu, amnatas narraati qabu,akkasumas na dhaggeeffachuudhaafis fedhii qabaatu.”

Akkuma isaan nyaatanii xumuraniin waa’ee yoonas raajichaa isaan barsiisuu eegalte, akkasumas itti fufuudhaa faarsaa isaan shaakalchiifti.Achiin booda isaan immoo ishee hammachuudhaan ishee galateefatu. ”Auntie! Si jaallanna” osoo jedhaanis nan dhaga’e. Fuula ishee irraati gamaachuu guddaatu argama ture.“Mootummaa Waaqayyoo isaanitti agarsiisuuf yaaluu koo qofa osoo hintaane, isaanis na eebbisu, gammachuudhaanis na guutu. Gammachuun kana caalu gara waldaa dhufanii kadhachuufi waa’ee Waaqayyoo barachuu isaanii arguudha. Garuu gammachuun koo inni guddaan samii irratti isaan arguu ta’a. Kanaaf amma cophaa samii xiqqoo akka dhandhamanin barbaada”jette.

Yesu yeroo dhiyootti dhufa! Garuu yeroo inni dhufu mootummaa isaa seenuuf qophaa’aa ta’uuf mootummaan isaa amma si keessa akka jiraatu gochuu qabda. Guyyaa guyyaan “Gooftaa, har’a mootummaa kee waliin gara garaa kootti koottu” jettee kadhachuu qabda. Waaqayyoo har’a mootummaa isaa dhugoomsuuf si waamaa jira. Kadhannaa guyyaa guyyaan, qorannaa Sagaleefi tajaajila gammachuutiin akkuma samii irraatti as jiraadhu. Samiin si keessa haa jiraatu. Akkuma yeroo darbe namoonni amantii qaban harka isaa ta’aa turan, atis har’a harka Waaqayyoo ta’i.

Waaqayyoo mootummaa isaa har'aas ta'e guyyaa hundumaa gara garaafi mana keetti fiduu barbaadaa. Akka lammii samii jiraatuutti bakka argamuu isaati akka ati jiraattu barbaada. Guyyaa guyyaan samii gara garaa keetti affeeraa mee jaalalli isaas karaa gochaa keetii gara namoota birootti hadhangala'u.

Mee Waliin Hakadhannu.

Yeroo Kadhannaa (Daqiiqaa 30–45)

Gareen kadhannaa hundi akkaataa kadhannaa adda addaa waliin kadhatan qabu. Daqiiqaawwan 30-45 itti aanan kadhannaa tokkummaadhaan, karaa hafuurri qulqulluun geggeessu kamiinuu akka dabarsitan isin jajjabeessina. Kadhannaa haasawa gabaabaas (hima 1-3) ni jajjabeessina. Kunis namoonni baay'een yeroo heedduu akka kadhatan taasisa. Fakkeenyonni yaada ijoo irratti hundaa'uun karaa Caaffata Qulqullaa'oo kadhannaa muraasni armaan gadiitti dhiyaataniiru. Kutaalee ykn heertuwwan kan biroottiinis kadhachuu dandeessaa, akkasumas yeroo kadhannaa kee keessatti mata duree kan biroos hammachiisuu ni dandeessa. Yaada kadhannaa argachuuf Qajeelfama Geggeessaafi Gaaffii Kadhannaa Waldaa Addunyaa ilaali.

Sagalee Waaqayyootiin Kadhachuu — Luq. 17:21b

“Mootummaan Waaqayyoo isin gidduu jira.”

“Mootummaa Waaqayyoo”

Gooftaa, mootummaan kee waa'ee aangoo ykn humna lafaa akka inni hintaane ni beekna. Har'a jireenya keenya keessatti mootummaa kee isa gad of deebisuu nu gaafatu hubannee akka jiraannuuf ogummaa nuuf kenni. Ijoollee kee warra lafa kana irra jiraatan tajaajiluu, kunuunsuufi jajjabeessuuf ga'aa nu taasis

“Isin Gidd Jira”

Waaqayyoo, har'a irraa eegallee akka lammii samiitti jiraachuudhaaf nu gargaari. Ija keenya ofii keenya irraati gara warra kan birootti nuuf deebisi. Nama naannoo keenya jiru keessa yeroo ammaa kana eenyutu gurra dhaggeeffatu qaba? Ijoollee isaatiif eenyutu nyaata ho'aafi uffata barbaada? Waaa'ee humna Yesuus isa jijjiruuf aangoo qabu ilaalchisee dhuga ba'umsa keeny dhaga'uu kan barbaadu eenyuudha? Garaa keenyatti dubbadhuu, akkasumas har'a mootummaa kee jireenya keenya keessa nuuf dhaabi.

Yaadota kadhannaa Dabalataa.

Galataafi Hooqubaa: Eebba isaa addaatiifi gaarummaa isaatiif galateeffadhaa.

Cubbuu Himachuu: Daqiiqaa muraasaa qalbii jijjiirrannaa dhuunfaatiif itti fayyadamaatii dhiifama isiniif gochuu isaatiif immoo waaqayyoon galateeffadhaa.

Qajeelfama: Qom-qabaa keessa jirtuufi murtoowwan garaa garaatiif waaqayyoon ogummaa kadhachuu.

Waldaa Keenya: Fedhii naannooleefi addunyaatiif kadhachuu, (waraqaa xiqqoo gaaffii kadhannaa qabu ilaali)

Gaaffii Naannoo: Waanta amantootaaf amma barbaachisuuf, maatiifi oollaaf kadhachuu.

Dhaggeeffadhuutii Deebii Kenni: sagalee deebii waaqayyoo dhaggeeffadhuutti yeroo fudhadhuutii galataafi faarfannadhaan deebisi.

Yaada Faarfannaa Dabalataa

Faarfannaa Adv, Guyyaa 7ffaa: Na keessa jiraadhu (#316); Inni jiraatadha (#251); Na ergi (#578)

Faaruuwwan kan biroos: Nuti Harka Isaati; Golee Ibsi, Ifa Koo Xiqqoo Kana.